



Tuzla, Rudarska br.72, Tel:++38735 366200; 366201; Fax:++38735 282697; kuiptk@bih.net.ba; <http://www.kuiptk.ba/>

Broj predmeta : 17/1-04-003142/25

Ur. broj akta : 10307-0003

Datum, 26.5.2025. godine

Mjesto, Tuzla

Na osnovu člana 14. stav 2. Zakona o slobodi pristupa informacijama u Federaciji Bosne i Hercegovine („Sl.novine Federacije BiH“, broj: 32/01 i 48/11), rješavajući o zahtjevu Udruženja NDNM, zastupano po predsjedniku Udruženja Hamzi Pašaliću, direktor Kantonalne uprave za inspekcijske poslove Tuzlanskog kantona, d o n o s i

RJEŠENJE o odobravanju pristupa informacijama

I Udruženju NDNM iz Tuzle, zastupano po predsjedniku Udruženja Hamzi Pašaliću, **odobrava se pristup informacijama**, prema podnesenom zahtjevu za pristup informacijama i to za tražene informacije kako slijedi:

- Kantonalna uprava za inspekcijske poslove TK zaključila je prvi Ugovor o zakupu 2006. godine. Ugovor je potpisan između rukovodioca i vlasnika poslovnog prostora (Rudarski institut d.d.). Nakon toga su potpisani Aneksi nekoliko puta, i novi Ugovor 2015. godine, te ponovno Aneksi.
- Kantonalna uprava za inspekcijske poslove TK je kod zakupa poslovnog prostora koristila propisano izuzeće u skladu sa članom 10a. tačka a) Zakona o javnim nabavkama BiH („Sl. Glasnik BiH“, broj: 39/14, 59/22, 50/24), gdje je propisano izuzeće od primjene odredaba Zakona o javnim nabavkama BiH na ugovore o javnoj nabavci usluga za sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču. U skladu s tim su donesene Odluke o izuzeću od primjene Zakona o javnim nabavkama BiH, član 18. stav (2) Zakona o javnim nabavkama BiH.
- Prilikom odabira prostora bila je samo jedna ponuda.
- Poslovni prostor je preuzet bez komisije 2006.godine.
- Kopija ugovora iz 2006. godine broj: 17/1-05-8093/06 od 27.11.2006. godine, kopija ugovora iz 2015. godine broj: 17/1-05-008021/15 od 30.10.2015. godine i pismo namjere broj: 540/2015 od 09.04.2015. godine.

II Pristup informacijama iz tačke I izvršit će se umnožavanjem informacija, te se kopije traženih informacija dostavljaju podnosiocu zahtjeva u prilogu ovog rješenja, obzirom da se iste osiguravaju besplatno u smislu člana 16. Zakona o slobodi pristupa informacijama u Federaciji Bosne i Hercegovine („Sl.novine Federacije BiH“, broj: 32/01 i 48/11).

Obrazloženje

Udruženje NDNM iz Tuzle, zastupano po predsjedniku Udruženja Hamzi Pašaliću, obratilo se ovoj Upravi, sa zahtjevom za pristup informacijama u kome su tražene informacije vezane za zakup poslovnog prostora koji koristi Uprava. S tim u vezi, u tački I dostavljeni su odgovori na postavljena pitanja. Naglašavamo, u prilogu ovog rješenja dostavljen je Ugovor o zakupu, te pismo namjere. Kantonalna uprava za inspekcijske poslove TK 2015. godine trebala je da preseli u prostorije u kojima se trenutno nalazi Vlada Tuzlanskog kantona, ali je u zadnjem trenutku ta odluka

promjenjena, te se Uprava vratila u prostorije u kojima i danas boravi, i potpisan je novi ugovor o zakupu. (preneseni su bili samo serveri i kompjuterska oprema).

Postupajući prema Zakonu o slobodi pristupa informacijama u Federaciji Bosne i Hercegovine („Sl. novine Federacije BiH“, broj: 32/01 i 48/11) i razmatrajući dostavljeni zahtjev utvrđeno je da isti sadrži potrebne uslove iz člana 11. navedenog Zakona, te da se po njemu može postupati, pa je uvidom u interne akte, stvorena pretpostavka da ovlašteni službenik može dalje postupati, te je odlučeno da se podnosiocu zahtjeva odobri pristup traženim informacijama kako je to i navedeno u dispozitivu ovog rješenja.

Na ovaj način je odlučeno jer ne postoje razlozi za izuzeće traženih informacija iz članova 6. i 7. navedenog Zakona, dok su izuzete od saopštavanja informacije za koje javni organ smatra da su lični podaci (svojeručni potpis) i koje u smislu člana 8. navedenog Zakona trebaju biti izuzete od saopštavanja, pa ih je na odgovarajući način učinio nevidljivima (precrtavanjem crnim flomasterom), zbog čega je odlučeno da se podnosiocu zahtjeva omogući pristup informacijama na način kako je to utvrđeno tačkom II dispozitiva ovog rješenja, i to umnožavanjem informacija i dostavljanjem kopije iste u prilogu, a u skladu sa članom 14. stav 3. Zakona o slobodi pristupa informacijama Federacije BiH, obzirom da se ista osigurava besplatno u smislu člana 16. navedenog Zakona.

Zbog svega gore navedenog odlučeno je kao u dispozitivu ovog rješenja.


Pouka o pravnom lijeku: Protiv ovog rješenja može se izjaviti prigovor direktoru Kantonalne uprave za inspekcijske poslove Tuzlanskog kantona u roku od 8 dana od dana prijema ovog rješenja. Prigovor se podnosi u dva primjerka.

S poštovanjem,

Prilog: kao u tekstu

Dostavljeno:

① x Udruženje NDNM
Mustafe Hukića 33
75 000 Tuzla
1 x Arhiva



DIREKTOR

Selmin Karić